

孝恬堂

李氏族譜

孝悌堂手氏族譜

孝恬堂李氏族譜

天章引

傳字號

人生曷爲光前而裕也其在家庭子弟之
職無虧聞望自洋溢乎寰宇或立

朝陞人臣之道克靖品詣特鄭重乎

宸衷矧邦國漸民以仁首隆孝弟仕宦爲政
以德先推忠良果爾謹飭官箴

封誥盛典其無靳誠能不著勲績

寵錫鴻恩而隨頌吾族 祖德長垂篤生

賢嗣孝子悌弟咸沐昭昭

旌坊宗功永佑誕降偉人忠臣良士悉膺煌
匕誥命四世一品深荷

皇仁汪涵百代千秋大願奕禩則倣用臚列譜
乘之內庶允叶光裕之榮是爲

天章誌

協理京營戎政太子太保兵部尚書李春燬
曾祖父廷輝公



誥命一道

奉

天承運

皇帝制曰岱生栢而霍生桐植根故沃川蘊
珠而山蘊璞毓彩有源惟名宗之昌大
特長縉世德之滋培耆厚崇絲綸之美
報隆雨露於開先爾李春燁之曾祖父
幼而岐嶷長乃醕明禪悅元栖洞徹性
宗之蘊奧情原理遣默馴暴行之憑陵
標致重於耆英風高洛社矯修聞於長

吏光賁賓筵至若雅度謙冲素心慈惻
非緣徼福種善果以積因祇爲樂施捐
厚貲而利濟乃肇基乎閭閻遂襲慶於
初雲是用贈爾爲光祿大夫太子太保
兵部尙書溯顯祖之貽謀家乘垂百年
之澤告文人而錫祉國華慰三廟之崇
尙其欽哉

制 誥

天啟六年十一月二十二日

五治學堂

民國丁丑北六年重修

之寶

協理京營戎政太子太保兵部尚書李春燬
曾祖母鮑太夫人



誥命一道

奉

天承運

皇帝制曰知後裔之必爲三公于門自大兆
休徵之遠及五世懿卜其昌絜淑母之
允釐故聞孫之特起徽音永嗣贊綽斯
皇爾鮑氏乃協理京營戎政太子太保
兵部尙書李春燁之前曾祖母儒門德
儷世閔祥源穆乎有齊坤順協含宏之
吉惠焉無遂家人利風火之貞脩中壺

之儀型相哲人之醕懿務滋厥德爰大
其宗慈謨久而益光念數傳之聖善家
慶延而載篤開間氣之精英惟元臣幹
國之方隆皆王母起家之托始是用贈
爾爲一品夫人錫顯號於芝綸九原耀
彩殫芳徽於彤管百世流馨欽哉

制 誥

天啟六年十一月二十二日

之 寶

協理京營戎政太子太保兵部尚書李春燬
曾祖母江太夫人



誥命一道

奉

天承運

皇帝制曰朕聞福恒積於所基道貴反其自
始故啟一朝之靈瑞固維烈祖詒謀而
滙數世之精神尤賴曾闡介祉濬源者
遠食報宜宏爾江氏乃協理京營戎政
太子太保兵部尙書李春燁之曾祖母
穆著安貞陰培善慶致敬恭於梁案荆
布標徽萃休祉於謝階蕙蘭散馥爾其

寶勤與儉克孝而慈惟女士之發其祥
宏開奕葉乃曾孫之篤其慶丕顯宗祏
赤舄褒衣已重鉉貞之眷濬源玉水可
忘坤厚之詒是用贈爾爲一品夫人淑
靈如在榮披漢檢以浮香瑞景長留世
作周禎而永祐欽哉

制 誥

天啟六年十一月二十二日

之 寶

